

有麩樹則南中枕椰也酒樹則椰也肉樹則端溪豬
肉子也大如杯炙而食之味如豬肉而美椰似酒耳
甘而薄亦不堪飲若蝨遜國樹葉汁取停之數日卽
爲佳酒枸樓國仙槩取之樹腹中又烏孫國青田核
以水注之少頃成酒不可久注久注則苦不可飲此
乃真酒樹也

說略卷之二十八終

說略卷之二十九

江寧顧起元太初輯

蟲注上

基山有鷓鴣

音敞

狀如雞三首六足三翼食之

無臥青丘山有灌灌狀如鳩其音若呵佩之不惑柅

山有鴇

音株

狀如鴟而人手其音如痺其鳴自號也見

則其縣多放土禱過山有瞿如狀如鴇而白首三足


人面丹穴山有鳳皇狀如雞五采而文飲食自然自

歌自舞見則天下安寧令丘山有顛狀如梟人面四



目而有耳其鳴自號也見則天下大旱松果山有鷓
形渠狀如山雞黑身赤足可以已曝符禺山有鷓狀
如翠而赤喙可以禦火英山有鳥狀如鶉黃身而赤
喙其名曰肥遺食之已癘可以殺蟲踰次山有橐𦉳
狀如梟人面一足冬見夏蟄服之不畏雷天帝山有
櫟狀如鶉黑文而赤翁音甕食之已痔臯塗山有數斯
狀如鴟而人足食之已瘦鹿臺山有鳧𦉳狀如雄雞
而人面其名自叫也見則有兵翠山有鷓狀如鶉赤
黑而兩首四足可以禦火萊山多羅羅是食人崇吾

山有蠻蠻狀如鳧一翼一目相得乃飛見則天下大
水鍾山有欽鴉狀如鴟而黑文白首赤喙虎爪其音
如晨鵠見縣有大兵鷓鳥狀如鷓赤足直喙黃文白
首音如鵠見則其邑大旱崑崙之丘有欽原狀如蜂
大如鴛鴦蠶鳥獸則死蓋木則枯玉山有胜遇狀如
翟而赤食魚其音如錄見則其國大水章莪之山有
畢方狀如鶴一足赤文青質白喙其鳴自叫也見則
其邑有譌火三危山有鷓一首而三身狀如鷓音洛翼
望山有鷓鷓音餘狀如鳥三首六尾而善笑服之使



人不厭又可以禦凶上申山有當扈狀如雉以其髯
 飛食之不眴目崦嵫山有鳥狀如鴉而人面雖身犬
 尾見則其邑大旱帶山有鵠鶴如鳥五采而赤文自
 為牝牡食之不疽號山多寓狀如鼠而鳥翼其音如
 羊可以禦兵蔓聯山有鳩羣居而朋飛毛如雌雉其
 鳴自呼食之已風單張山有白鶴夜音狀如雉而文首
 白翼黃足食之已益痛可以已癩灌題山有竦斯狀
 如雌雉而人面見人則躍其鳴自呼也北囂山有鶯
 鶯般音狀如鳥人面宵飛晝伏食之已暍梁渠山有

囂狀如夸父四翼一目犬尾音如鵲食之已腹痛可
 以止衝太行山有鷓狀如鵲自身赤尾六足善驚其
 鳴自設馬成山有鷓鷯狀如鳥首白而身青足黃其
 鳴自設食之不饑可以已寓陽山有象蛇狀如雌雉
 而五彩自為牝牡景山有酸與狀如蛇四翼六目三
 足其鳴自設見則其邑有恐小侯山有鵠姑習狀
 二音狀
 如鳥而白食之不潛軒轅山有黃鳥狀如梟而白首
 食之不妬發鳩山有精衛狀如鳥文首白喙赤足常
 銜西山之木石以堙東海盧其山有鷲黎音鷲狀如鴛



鴛而人足見則其國多土功礪山有絜鈎狀如鳧而

鼠尾善登木見則其國多疫北號山有魁雀音狀如

雞而白首鼠足虎爪食人首山多馱鳥狀如梟而三

目有耳其音如錄食之已塾廬山有鴿鷄鈴要二音狀如

山雞而長尾赤如丹火而青喙服之不眯嵒山有竊

脂狀如鴉而赤身白首可以禦火復州山有跂踵狀

如鴉而一足翫尾見則其國大疫瑤碧山有鴿狀如

雉恒食蜚此與食蟻蛇之鴿鳥異支離山有嬰勺狀如鵠赤目

赤喙白身其尾若勺其鳴自呼堇理山有青耕狀如

鵠青身白喙白目白尾可以禦疫丑陽山有馱餘狀

如鳥而赤足可以禦火以上見山海經勒畢國貢細

鳥方尺玉籠盛數百頭形如大蠅狀似鸚鵡聲聞數

里之間影娥池有司夜雞從夜至曉一更爲一聲五


更爲五聲有喜日鷺日出時銜翅而舞有升藻鴨赤

色每止於芙蓉上不食五穀唯啣葉上垂露亦名垂

露鴨以上見洞冥記羽山之北有青鶴善鳴人面鳥


喙八翼一足毛色如雞行不踐地祇支國有重明之

鳥狀如雞鳴似鳳能搏逐虎狼大月氏貢雙頭雞百




足一尾鳴則俱鳴條支國有鳩鵲形高七尺解人語
其國太平則羣翔靈帝時西國獻夜舒荷大如蓋長
一丈一莖四蓮夜舒晝卷亦曰月出則舒也故名望
舒荷胥徒國有沉明石雞色如丹大如燕常在地中
應時而鳴聲能遠徹掘地而得天下太平翔飛而出
以爲嘉瑞昆明國有嗽金鳥形如雀而色黃飴以眞
珠飲以龜腦鳥常吐金屑如粟可以爲器吳越嶺獻
背明鳥形如鶴止不向明巢常對北聞鐘磬笙竽之
聲則奮翅搖頭含明國有鴻鷺色似鴻形如禿鷺腹

內無腸羽翮附骨而生無皮肉也雌雄相眄則生產
有鴛鴦形似鴈生於石穴中萬歲一交則生雛千歲
銜毛學飛瀛洲有藏珠鳥如鳳身紺翼丹每翔鳴而
吐珠累斛岱輿玉梁有五色蝙蝠黃者無腸倒飛腹
向天白者腦重頭垂自挂黑者如鳥至千歲形變如
小燕青者毫毛長二寸色如翠赤者止於石穴穴上
入天視日出入以上見拾遺記大食弼琶羅國有駱
駝鶴長六七尺有翼能飛或燒赤熱銅鐵與之食見
異域志



招搖山有狴狴狀如禺而白耳伏行人走食之善走
柰陽山有鹿蜀狀如馬而白首其文如虎而赤尾其
音如譟佩之宜子孫亶爰山有類狀如狸而有髦自
爲牝牡食者不妬基山有獬_音誅狀如羊九尾四耳
其目在背佩之不畏青丘山有獸狀如狐而九尾音
如嬰兒食人食者不蠱柜山有狸力狀如豚有距其
音如狗吠見則其縣多工功長石山有長右狀如禺
而四耳其音如吟見則郡縣大水堯光山有猾褊狀
如人而彘鬣穴居而冬蟄其音如斲木見則縣有大

絲浮玉山有彘狀如虎而牛尾音如吠犬是食人洵
山有羆_音狀如羊而無口不可殺也鹿吳山有蠱雕
狀如雕而有角音如嬰兒食人錢來山有羆羊狀如
羊而馬尾其脂可以已腊符禺山有葱鬣狀如羊而
赤鬣英山多牝牛竹山毫彘狀如豚而白毛大如笄
而黑端踰次山有鬣狀如禺而長臂善投天帝山有
谿遺狀如狗席其皮者不蠱臯塗山有饜如狀如鹿
白尾馬足人手而四角黃山有犖狀如牛而蒼黑大
目小次山有朱厭如猿而白首赤足見則大兵崇吾



山有舉父狀如禺而文臂豹虎而善投崑崙之丘有
土螻如羊而四角食人玉山有狡如犬而豹文角如
牛音如吠犬見則其國大穰章義山有犛狀如赤豹
五尾一角其音如擊石陰山有天狗狀如狸而白首
其音如榴榴可以禦凶三危山有微徊傲噎狀如牛
白身四角毫如披蓑食人翼望山有謹狀如狸一目
而三尾其音如奪百聲可以禦凶服之已瘳中曲山
有駮狀如馬而白身黑尾一角虎牙爪音如鼓音是
食虎豹可以禦兵邽山有窮奇狀如牛蝟毛音如犛

狗食人崦嵫山有執胡馬身鳥翼人面蛇尾是好舉

人諸毗水多水馬狀如馬文臂牛尾其音如呼帶山
有隴疏狀如馬一角有錯可以辟火譙明之山有孟

槐如貍而赤豪音如榴榴可以禦凶熏水多耳鼠狀


如鼠而菟首麋身音如犛犬以其尾飛食之不睽采音

大腹可以禦百毒石者山有孟極狀如豹文題白身

善伏其鳴自呼邊春山有幽鷓音狀如禺而文身善

笑見人則臥其鳴自呼蔓聯山有足訾狀如禺而有

鬚牛尾文臂馬蹏見人則呼單張山有諸犛狀如豹



長尾人首而牛耳一目善吒行則銜其尾居則蟠其尾灌題山有那父狀如牛而白尾其音如訃潘侯山有旄牛狀如牛而四節生毛少咸之山有窳窳狀如牛而赤身人面馬足音如嬰兒食人獄沓之山有山獠音狀如犬而人面善投見人則笑其行如風見則天下大風北嶽山有諸懷狀如牛而四角人目彘耳其音如鳴雁食人隄山有狃音狀如豹而文首敦頭山多驛音馬牛尾而白身一角其音如呼鉤吾山有狃音羊身人面目在腋下虎齒人爪其音如嬰兒食


人北嚮山有獨俗音狀如虎而白身犬首馬尾彘鬣

梁渠山有居暨狀如猓而赤毛其音如豚太行山有驪狀如麤羊四角馬尾而有距善還旋舞也其鳴自叫

馬成山有天馬如白犬而黑頭見人則飛其鳴自訶天池山有飛鼠狀如兔而鼠首以其背飛陽山有領

胡狀如牛而赤尾其頸鬣狀如勾瞿其鳴自談食之已狂秦戲山有辣辣音狀如羊一角一目目在耳後

其鳴自呼乾山有獬音狀如牛而三足其鳴自談倫山有罷狀如麋其川在尾上川也巖泰山有狃音狃狀



如豚而有珠其名自訓空桑山有軫軫狀如牛而虎
 文其音如欽其鳴自叫見則天下大水餘菘山有犵
 徐仇餘狀如菟而鳥喙鴟目蛇尾見人則眠見則蝨
 蝗為敗耿山有朱獠狀如狐而有翼見則其國有恐
 姑逢山有獬獬音狀如狐而有翼其音如鴻雁見則
 天下大旱鳧麗山有蠶姪狀如狐而九尾九首虎爪
 音如嬰兒食人磳山有嶷嶷音狀如馬而羊目四角
 牛尾其音如猓狗見則其國多狡客尸胡山有娑音
 胡狀如麋而魚目其鳴自訓踣音隅山有精精狀如

牛而馬尾其鳴自叫北號山有獨狙音狀如狼赤首
 鼠目其音如豚食人欽山有當康狀如豚而有牙見
 則天下大穰剡山有合窳狀如彘而人面黃身赤尾
 音如嬰兒食人亦食蟲蛇見則天下大水太山有蜚
 狀如牛而白首一目而蛇尾行水則竭行草則死
 見則天下大疫甘棗山有艱音狀如蚘鼠而文題食
 之已癭霍山有胎胎狀如狸而白尾有鬣食之可以
 已憂昆吾山有蠶蜺狀如彘而有角其音如號食之
 不昧蔓渠山有馬腹狀如人面虎身音如嬰兒是食



人敖峯山有夫諸狀如白鹿而四角見則其邑大水

扶豬山有響音狀如貉而人目釐山有犀渠狀如牛

蒼身音如嬰兒有獬音狀如獮犬而有鱗其毛如鼯

鬣苦山有山膏狀如逐音赤若丹火善詈放臯山

有文文狀如蜂枝尾而反舌善呼蛇山有狔狼狀如

狐而白尾長耳見則國內有兵豐山有雍和狀如蟻

赤目赤喙黃身見則國有大恐依帖山有獬音狀如

犬虎爪有甲善駛音食者不風樂馬山有猴其

狀如彙赤如丹火見則國大疫倚帝山有狙如狀如

鼯音鼠白耳白喙見則國有大兵鮮山有移音卽狀

如膜大赤喙赤目白尾見則邑有火歷石山有梁渠

狀如狸而白首虎爪見則國有大兵卽公山有蛇音

狀如龜白身赤首可以禦火白民之國有乘黃狀如

狐其背上有角乘之壽二千歲北海內有駒駝狀如

馬有駮狀如白馬鋸牙食虎豹有蛭蛭狀素如馬一

走百里有羅羅狀如虎而青青丘國有狐四足九尾


朝陽谷有天吳八首人面八足八尾皆青黃泥林有

狴狴知人名其爲狀如豕而人面巴蛇之西有旄馬




狀如馬四節有毛昆侖山有開明身大類虎而九首
皆人面東嚮立昆侖上犬封國有吉量文馬縞身朱
鬣目若黃金乘之壽千歲林氏國有騶吾大若虎五
彩畢具尾長於身乘之日行千里流波山有夔狀如
牛蒼身而無角一足出入水則必風雨其光如日月
其聲如雷黃帝得其皮爲鼓楛以雷獸之骨聲聞五
百里流沙東有跡踴左右有首有雙雙三青獸相并
淑土國有狴鳥五彩而有冠衡天山有猎猎黑蟲狀
如熊南方有齒音齒狗青獸如菟以上見山海經荒外

大山不晝木火中有鼠重千斤毛長二尺細如絲居
火中以水沃之卽死其毛可爲火浣布北方層冰厚
百丈有鼠在水下土中重千斤其毛八尺爲禱可以
御寒其皮蒙鼓聲聞千里南方有無損獸人割取肉
不病其肉自復肉可作鮓西方荒中有訛獸狀若菟
人面能言常欺人西荒有倒壽如虎豪長三尺人面
虎足口牙一丈八尺北方有窮奇似牛而色狸尾長
曳地其聲似狗狗頭人形鉤爪鋸牙逢忠信之人嚙
而食之逢姦邪者則捕禽獸而飼之以上見神異經



翁韓國有飛鼈獸如鹿青色死而頭尾及骨皆飛去
大秦國有花蹄牛其色駁高六尺尾環繞其身角端
有肉蹄如蓮花善走多力跡在石上皆如花形脩彌
國獻駮騾高十尺毛色赤斑背有日月之象以上見
洞冥記炎洲有風生獸似豹青色大如狸燒之薪盡
而不然毛亦不焦以鐵鎚鍛其頭數十乃死張口向
風須臾復活火林山有火光獸大如鼠毛長三四寸
或赤或白毛可爲布以上見十洲記魏文時尸塗國
獻青色之牛足如馬蹄日行三百里瀛洲有獸名嗅


石其狀如麒麟嗅石則知有金玉吹石則開岱輿有
嗽月形如豹夜噴白氣其光如月可照數十畝昆吾
山有獸大如兔毛色如金食土下之丹石穴地爲窟
亦食銅鐵胆腎皆如鐵其雌者色白如銀以上見拾
遺記海有却塵犀然其角辟塵致之於座塵埃不入
猥偷龍頭馬尾虎爪長四百尺善走以人爲食封傲
山中有怒毛獸若不噴毛短三寸若噴毛長三尺日
南郡出果下牛樂浪郡出果下馬并高三尺以上見
述異記蔡茶義獸兩頭似鹿見後漢書虎虎之有角



者見爾雅檮杌如虎毛長六尺人面虎足猪牙尾長一丈八尺見蟬史狃豹無前足見爾雅


怪水有旋龜狀如龜而鳥首虺尾其音如判木珮之不聾可以爲底抵山之水有鱉狀如牛陵居蛇尾有翼羽在鮎下音如留牛冬死而夏生食之無腫疾英水多赤鱗音孺狀如魚而人面音如鴛鴦食之不疥浪水有虎蛟魚身蛇尾音如鴛鴦食者不腫可以已痔黑水有鱒魚狀如鮒而莖毛其音如豚見則天下大旱太華山有肥蠶六足四翼見則天下大旱招水多

鮮魚其狀如鼈其音如羊丹水多人魚觀水有文鱈魚狀如鯉魚身鳥翼倉文白首赤喙常行西海遊於東海以夜飛其音如鸞雞其味酸甘食之已狂見則天下大穰桃水多鰮音滑魚狀如蛇而四足食魚落水多蠻蠻鼠身鼈首音如吠犬浣水多再遺之魚魚身蛇首六足其目如馬耳食之使人不昧可以禦凶濛水有羸魚魚身而鳥翼音如鴛鴦見則其邑大水涸水有鱖魚音騷狀如鱣魚動則其邑有大兵濫水有鰲魼音如玼之魚狀如覆鉢鳥首魚翼魚尾音如磬石之



聲是生珠玉諸毗之水多滑魚狀如鱣赤背音如梧
食之已疣彭水多儵音魚狀如雞而赤毛三尾六足
四首其音如鵲食之可以已憂譙水多何羅之魚一
首十身音如吠犬食之已癰蠹水多鰓鰓音之魚狀
如鵲十翼鱗皆在羽端音如鵲可以禦火食之不癩
大咸山有長蛇其毛如薺豪其音如鼓析敦薺之水
多赤鮭敦水多鮪鮪音之魚食之殺人滾澤多鱣音
魚如鯉而雞足食之已疣諸懷之水多鮪音魚魚身
而犬首其音如嬰兒食之已狂渾夕之山有蛇一首

兩身名曰肥遺見則大旱晉水多鰲魚狀如鱣而赤
鱗其音如叱食之不騷決水多人魚狀如鮪魚四足
音如嬰兒食之已癡疾留水有鮠音父之魚狀如鮠
魚魚首薺身食之已嘔浴水有大蛇赤首白身其音
如牛見則邑大旱食水多鱮鱮之魚狀如犁牛其音
如羸鳴泚水多箴魚其狀如儵其喙如箴食之無疫
疾付山下水多堪孺之魚塗水多儵蠪條容音狀如黃
蛇魚翼出入有光見則邑大旱澧水有珠蟹音魚狀
如肺而有目六足有珠其味酸甘食之無癘深澤有



鯨音之魚狀如鯉而六足鳥尾其鳴自叫又多蟻

龜蒼體水多鱗魚狀如鯉而大首食者不疣泚水多

此魚狀如鮒一首而十身其臭如麝無食之不糲止

氣也膏水多薄魚狀如鱸而一目其音如歐見則天下

大旱子桐水多鰭魚狀如魚而鳥翼出入有光其音

如鴛鴦見則天下大旱渠豬水多豪魚狀如鮪赤喙

尾赤羽可以已白癩勞水有飛魚狀如鮒食之已痔

循鮮水有鳴蛇狀如蛇而四翼音如磬見則邑大旱

陽水多化蛇狀如人面而豸身鳥翼而蛇行其音如

叱呼見則邑大水正回水多飛魚狀如豚而赤文服

之不畏雷可以禦兵豪水多旋龜狀如鳥首而鬣尾

其音如判木索水多修辟之魚狀如鼉而白喙其音

如鴟食之已白癩狂水多三足龜食者無大疾可以


已腫來需水多鱸魚黑文狀如鮒食者不腫合水多

騰魚狀如鰕居達蒼文赤尾食者不癱可以爲瘿休

水多鯀魚狀如蟄雖而長距足白而對食者無蠱疾

可以禦兵從水多三足鼈枝尾食之無蠱疫海內南

經有已蛇食象三歲而出其骨服之無心腹之疾以



上見山海經北方有石湖有橫公魚刺之不入煮之
不死以烏梅二枚煮之則熟食之可止邪病東南海
中溫湖有鱠魚長八尺食之宜暑以上見神異經善
苑國貢一蟹長九尺百足四螯因名百足蟹漢有丹
蝦長十丈鬚長八尺有兩翅其鼻如鋸數過國貢能
言龜長一尺二寸盛以玉匣豁一孔以通氣東方朔
日唯承桂露以飲之以上見洞冥記合明國有大螺
名裸步負其殼露行冷則復入其殼生卵着石則軟
取之則堅明王出世則浮於海際淵洞有魚長千丈

色斑鼻端有角噴水爲雲輪困五色員嶠有水蚕長
七寸黑色有角有鱗以霜雪覆之然後作蠶長一尺
其色五彩織爲文錦入水不濡投火不燎有神龜八
足六眼背負七星日月八方之圖腹有五岳四瀆之
象岱輿有螢火大如蜂聲如雀八翅六足以上見拾
遺記東海有牛魚形如牛剝其皮懸之潮水至則尾
起潮水落則尾伏南海有水蟲名筋有小蟹大如榆
莢筋開甲食則蟹亦出食筋合甲蟹亦還入爲筋取
食生死不離龍巢山下丹水中有丹魚割其血塗足




可涉水如履平地以上見述異記南方有冷蛇長數尺色白不螫人執之冷如握冰見酉陽雜俎
中土有枳首之蛇西方有共命之鳥康居之雞尾長三尺頰伽之鳥音遍十方海鳧毛長三丈蛟蝶翅闊四尺北冥之鵬翼若雲條支之雀卵如甕鷄雉之尾六尺海蝦之須四尺騶虞尾長於身啄木舌長於喙後狻尾大於斗鷄羈胡大於囊
帶無足鷄一足猿三足從從六足鼈鼈八足鸞十二足海月三千足螂蛆四十足馬蚊百足三足之蟾氣

中人四足之蟹毒中人鳥鰓八足懷板而含壘射工
三足角弩而氣矢

河豚以三爲部鰕鮓以三爲率鷄崇朝而三唱羊一歲而三生虎之搏物勢止三躍鼠之易腸月則三吐巫峽之猿三聲而斷腸益州之蠶三熟而充貢黿卵如雞子一產三百數丸取土作丸三百而潮至


牛曰斑特猪曰長喙參軍羊曰須髯主簿雞曰長鳴都尉鷺曰兀地奴龜曰玄衣督郵鼈曰河伯從事蟹曰橫行介士鮫曰河伯健兒鼉曰河伯使者燕曰天



女鵲曰神女蟬曰齊女蚓曰歌女螟蛉曰戎女蜚曰
香娘子鷓曰巧婦蛾曰射王鳥曰哺公鴿曰飛奴鷓
曰翠奴鷓曰功曹又吐綬鳥亦曰功曹龜曰長史雀
曰嘉賓於菟曰山君猿曰參軍童子魚曰土父蟋蟀
曰王孫又曰懶婦蠶龜曰社公蝦蟇曰田父鳶曰風
伯離鴻曰雪姑蚊蚋曰黍民螳螂曰圻父鴛曰蜂母
蠟蚋曰喜子鶯曰金衣公子蜻蛉曰赤弁丈人鸛鶴
曰八哥烏鵲曰海若白事小吏山中辰日稱雨師者
龍也山中申日稱人君者猴也山中未日稱亦吏者

鼈也山中卯日稱丈人者兔也蟲當屋壁者曰守宮
鳥在川澤者曰澤虞或名虎爲李父或呼鳩爲郭公
蠍或名爲主簿魚或名爲秦皇杜伯以尾而螫人綰
女懸絲而自斃鳥應泰山役者或名曰催工雀自塞
北來者或名曰突厥

蟻銜入耳蛭蟻入肉短狐含沙射影則瘡蠹蝮遺溺
中影則疾鼯鼠口甘所嚙不痛鴉鳥聲惡所鳴不祥
禺獲人而笑狐見人而慙迅頭舉石以摘人墮弄銜
矢而反射羆熊直眼而惡人之橫目孔雀文尾而如




人之美衣天門山之封蟒以氣而喻人先提山之鈎
豉以尾而鈎人蜀山之覆掠頰人而結室西方之獮
要路人而求合

龍珠在頷鮫珠在皮蛇珠在口鼈珠在足魚珠在眼
蚌珠在腹孕環之兔懷於左腋文毛間包百五十年
轉腦而隱形懷珠之蛇喜投暗見人張口而吐氣如
燼鹿戴玉而角斑魚懷珠而鱗紫通天之角戴於犀
首明月之珠出於鯨目鵲喙槐實而結玉於腦麝啖
柏葉而結香於臍燕識寶而羣鵲龍取珠而拏鼈嗽

金如雀而吐金藏珠如鳳而吐珠易定之水馬吐珠
劉銀之苑羊吐珠蛇報隋侯銜珠而照乘龍鬪武寧
墜珠而如輪牝馬產石於咸陽大如升而有綠毛白
龍吐黃金於汾州廣有尺而長五寸

螺飾器鮫飾刀蜃飾牆鷄飾冠華蟲飾袞兕皮制
鎧鼈尾注于狼牙柱式鼈皮冒鼓明瓦透光鳧羽爲
旌鷺翰爲縷鴻鴈之羽爲儀鷗鷁之膏瑩刀獮糞爲
兵可以切玉鼈脂得火可以燃鐵鷁羽製扇以辟蚊
鷗羽爲裘以辟寒鷗羽可以爲箭隴疎角可錯石鶴




糞化石鶴石歸酒蜈蚣之脊骨可爲硯海魚之腮毛
可織屏風幻倭蚌之淚作畫晝隱而夜見烏鰓之墨
爲券誓存而久滅蜃脂和蠟爲燭其烟上成樓閣之
狀香聞百步夔皮冒鼓而擊以雷獸之骨聲聞五百
里

王者有明德而天下平世樂之鳥至有孝德於幽遠
比翼之鳥至繹寡無棄比肩之獸至三才得所三角
之獸至王道成則騶虞至獄訟平則獬廌至能用人
則龍馬至能致太平則黑狐至道純則白鹿至德盛

而赤兔至貴人賤馬而白馬朱鬣集德及幽遠而雙
魚白澤臻妾媵有制白燕巢政惠不苛白虎仁刑罰
得中銀麇馴鍾律和調玉羊見德至鳥獸白鳥下好
生惡殺則鳥鵲之巢可俯而窺不漉池而漁德達深
淵則黃龍應氣而游池沼刳胎殺夭則麒麟不至楮
巢毀卵則鳳皇不翔


槃瓠銜戎將之首的盧脫檀溪之厄黃耳繫吳洛之
書羣燕填丁姬之墳烏龍嗾張然之奴鸚鵡告楊崇
之賊符堅急難馬垂繩而出井郝經拘宋鴈繫書以



通元鵠窺獄門報景逸詔赦之下龜浮邾水濟毛寶
孤軍之沉天寶馴象努目祿山之使舞昭宗弄猴奮
擊朱溫之篡唐犬噬狄靈慶以報袁粲之孤羣蟻穴
獄地以脫董昭之繫龍識帝真朝藝祖於江亭之戰
虎知正氣乘卓敬於晦冥之歸馬或負賊而返陳鶴
或銜珠而酬恩熊母只人而出坎秦吉了戀漢而背
胡犬濡水濕艸以斷醉主之火路鼈銜藻繞體以解
厨婢之契疾野狐尚聽百丈法螺螭猶護金剛經十
千游魚聞佛號化爲天子五百蝙蝠聽法音總作聖

賢蟒聞懺以生天龍聽經而悟道


葛介繻聞牛鳴曰是生三犧高祐識鮫鯉曰是出三
吳子產証黃熊於羽淵東方朔射蜺蜺於覆罽符朗
食鷺知蒼白之處蔡衡識鸞辨青赤之文竇攸識廳
鼠之豹文孫亮辨蚤中之鼠矢鸚鵡爲鷓掠張茂先
教以喙其足而免駿馬死郭景純取類獮獲者吸其
鼻而甦龜名元緒諸葛恪烹之以老桑始無言而熟
狐化美少年雷煥照以燕昭墓千年華表柱莫遁其
形雉出庫中張華知其爲蛇化蝶蛻橘上陸龜蒙賦



其爲靈化婦刃夫而誣鄰管輅占鵲聲於縣閣栗覆
車而載道楊宣知雀語於部行海將有災爰居避之
而先至柳下惠所以詘臧孫也遠方當來歸義而騶
牙先見其齒前後若一齊等無牙東方生所以爲習
事也朱泚之軍猶乳鼠崔祐甫識其爲失性董生之
家雞乳狗韓昌黎美之爲嘉祥漢五色鳥集殿庭賈
逵以爲胡降之徵宋野象自來京師朝臣以爲廣南
平之應蠃鼠出於延陵郭璞筮爲妖人稱制不久而
滅大蛇出芒山胡僧無畏知其欲決水瀦洛城咒以

天竺法數日而裂會孝秀而磨見孫盛以爲四科復
興之祥漢章末鳳皇百四十九見何敞以爲羽孽帝
崩之兆嵐州獻牡獸徐鉉據圖史以爲麟契丹產異
獸劉敞證形聲以爲駁雉集漢署而不止王音疏成
聽之不聰馬入鄴官而無見佛圖澄嘆石災之將及
李東陽述龍生九子以對孝廟之間張昇名白蟻虎
而著異物之類

鵠傳枝烏茹沫鷺目成而受胎鶴形接而懷卵龜鱉
相顧神交也鶴鶴相啜氣交也龍卵生而風化虱氣




化而卵生蝦蟇聲抱鴛鴦交頸鯊魚胎生玄鶴胎化
雀浴沙而受卵鷺隔津而望卵鰻以影漫鱧而子附
其鬢鵑寄巢生子而鳥爲之哺兔望月孕子而口
出蛭蚪聞雷脫尾而脚生蛟龍水居而卵剖於陵鵠
鵠巢木而子生於穴蝮蛇生圻副母腹寒蝮生圻裂
母背鮫魚之子驚入母腹鳩鵠之子飛銜母翼雀四
時有子鴿逐月有子穀將生子呼母應雛既生母呼
子應

蜉蝣三日蠶二十七日蟬三十日螻蛄不知春秋鼠

壽三百猿猴八百狐狸鹿各千鶴二千龜三千六百
燕千年生胡髯龜千年解人言虎千年牙蛻而角生
蟾蜍千年頭上有角額下有丹書八字千歲樹精爲
青羊萬歲樹精爲青牛百歲狐狸化爲美女百歲蝙蝠
懸爲仙鼠

蛇蟠向壬鵲巢向歲狐潛上伏蟲避正南燕避戊巳
蝠忌庚申狼識虛實虎奮衝破蛇曉方藥鳩善禁呪
啄木畫符水鶴禹步鷓行讓草木而愛其嚟雉高避
霜雪而惜其尾雁有奴而伺夜羊有頭而率羣烏烏




反哺其母蜂蟻各隨其王羚羊夜宿懸角以掛木鴻
鴻露居勅水以遠蠱虎食青泥而解箭毒雉采地黃
以擦鷹傷蚺蛇自見金瘡明膽之無蜘蛛下擦蚓泥
化蜂之螫

聲性驚而喜山麋性迷而喜澤鹿性警而喜林牛喜
順風馬喜逆風驛馬喜前驚馬喜後麋喜音聲麇喜
文彩鳥喜閒曠鵲喜稠鬧龍喜珠後猊喜毬淫魚喜
琴瑟之音河魼喜采線之色

龍食燕肉鳳食竹實鷹鵬食草犀牛食荆棘蛇食茱

萸鰻鱧綠樹食藤花神龜綠樹食鳴蟬蛟食犀角蚶
蛇食鹿蜃食燕子獾駝雞食銅鐵鳩鳧雁食砂石
鳥翼右掩左雄左掩右雌蜂尾有岐者牝銳者牡螻
臍圓者牝尖者牡又雄曰狼螳雌曰博帶鶉雄曰鵲
雌曰痺鳩雄曰運日雌曰陰諧馬牡曰鶯牝曰鷹鴛
雄者斑雌者褐雉雄者黑雌者黃鴿雌乘雄鸞雌負
雄鳩鷄雌前而雄後舒雁雄呼而雌和鹿一牡而游
數十牝海狗百牝而隨一牡鷲鳥雄小而雌大庶鳥
雄大而雌小鳥之雄鷲於雌獸之牝猛於牡雄龍角



昂峭目深鼻鬚尖鱗密上壯下殺朱火燁燁雌龍角
靡鼻直目圓鱗薄尾壯於腹鰲黃之雌雄相儷蛤蚧
之雌雄相隨兔雖望月而孕其實雌舐雄毛孔雀雖
聞雷而孕其實雌接雄影稀差南中之鳥雌雄繞樹
而飛人食其精一毫足助一宵鮑魚孟貢江所產牡
者羣多牝而遊夷人常食其肉一日能御百女
蛟眉連蝮鼻反鳥無胃肺蜃蛤無臟蛭以空中而生
蠶以無胃而育虎無小腸豹無前足鴉之指有前而
無後牛羊之齒有上而無下牛目有豎瞳而無橫瞳

故見物輒長羸之股有鎖骨入而不能出故不能滋
息龍之聽以角牛之聽以鼻馬有耳而聾蜂蜨之屬
以鬚當鼻蛇豸之屬以腹當足蟬蜩胸鳴響於口螻
螻背行駛於脚丹熏之山耳鼠以尾飛天池之山飛
兔以背飛

金得伯勞之血則昏鐵得鷓鴣之膏則瑩石得鵲髓
則化玉得蟾肪則軟銀得雉糞則枯錦得魚汁則鮮
羊脂柔銀殺角縮賀翡翠屑金螭蟹敗漆駝糞爲烟
可殺壁虱羚羊爲擊可碎金剛鳳味爲膠可以續絃




言明
卷之二十九
二十五
鼈脂得火可以然鐵

蜀駒虞見壁山而二鹿隨之漢五色大鳥見新城而衆鳥隨之唐麟見龍州一鹿引之而羣鹿隨之宋吉祥鳥見代州四黃鳥導之四鵲隨之魏白燕集於盛樂舊都而玄鳥隨之以千數周鳳皇集於梁州楓樹而衆鳥列代以萬數唐宋州有異鳥色青類鳩鵲羣鳥翼衛噉稻梁哺之晉鳳皇將九雛見於豐城而羣鳥隨之唐鳳皇集於陳州衆鳥數萬前後翅從行列整齊色別爲羣宋鳳皇集於清遠縣之合懽樹高六

尺衆鳥隨之而東北去白州有三鳳自南來入城中羣禽周繞身長九尺冠如金杯唐武功獲大鳥狐首肉翅毛赤如蝙蝠四足有爪長四尺餘羣鳥隨而噪之陝州有雉二首向背而連頸羣雉數百來鬪殺之魏淄之境羣鳥噉木爲城高三尺方十里滕縣羣鳥噉柴爲城中有白鳥一碧鳥一吳兩鳥銜鵲墮於東館孫權使相朱據燎鵲以祭二大鳥高丈餘皜身朱足元於大頓隋煬命工圖形立銘頌焉

晉懷時洛陽地陷而二鷺出蒼者飛而白者止晉元



行一目放光一目看物

龍之異以骨故能吸氣茹精龜之異以殼故可卜而
先知犀之異以角故孕星蟬之異以珠故欲月麝之
異以膺故香可通關鹿之異以角又獨皮累而可食
獺之異以肝故月生葉而可祛瘵猩猩之異以血故
可染物而不渝玳瑁之異以甲故可器鱈魚胎生也
其異以皮故可鞣麟角鳳嘴其異以膠故可以續斷
絃

唐襄旻終日射虎後遇小虎則馬辟易而弓矢俱墜

老人曰君前所射者彪也周永昌中涪州多虎有一
大虎逐虎而噬之錄奏曰檢瑞應圖乃首耳也據是
則世間所見者皆彪大於虎者爲首耳小於彪者方
爲虎也

吾吉光滿地

風驟數莖白

黃子曰馬有具


黃一曰騰黃

三千歲黃

說略

卷之二十九

三十一



行一曰放

龍之異以

先知學之異

異以曆故香

異以異以

為氣也

限坤間視景昔昔氣大於氣昔昔耳小於氣昔昔
大氣逐氣而望之雜奏曰劍帶歎圖以昔耳也對吳
步人曰春前視視恨皆氣也固永昌中郭限受氣育一

說略卷之三十

江寧顧起元太初輯


蟲注下

馬賦有云其名則汗血山子桃駱綠耳金喙騰黃騶
吾吉光蒲稍啓服野麋峨鹿白蟻雞斯蜚鴻母兒遺
風驟襲茲白織驪尸子曰馬有紫燕蘭池秀騏逢驪
黃子曰馬有晨風黃鵠按符瑞圖曰黃帝有馬曰飛
黃一曰騰黃乘黃吉黃翠黃又紫黃狀如狐乘之壽
三千歲吉量乘之壽千載此出大戎見山海經又瑞

說略

卷之三十

一



龍之異以龍

行一日放

先知學之異

異以曆故香

異以異以

為氣也


限坤間視景昔昔氣大於東昔為首耳小於遠昔式
大氣逐氣而望之雜奏曰劍帶歎圖以首耳也對吳
步入曰春前視視恨皆氣也固永昌中部限受氣育一

說略卷之三十

江寧顧起元太初輯

蟲注下

馬賦有云其名則汗血山子桃駱綠耳金喙騰黃騶
吾吉光蒲稍啓服野麋蛾鹿白蟻雞斯蜚鴻母兒遺
風驟襲茲白織驪尸子曰馬有紫燕蘭池秀騏逢驪
黃子曰馬有晨風黃鵠按符瑞圖曰黃帝有馬曰飛
黃一曰騰黃乘黃吉黃翠黃又紫黃狀如狐乘之壽
三千歲吉量乘之壽千載此出大戎見山海經又瑞



應圖禹有飛兔日行三萬里騶囊日行萬八千里應
劭曰一日行萬五千里太公六韜曰散宜生賂紂者
曰鷄斯又犬戎吉彊義渠茲白能食虎豹周書曰正
北獻馱馱馱生七日而超其母呂覽曰伊尹說湯
天子有遺風之乘周穆王傳八駿一曰赤驥二曰盜
驪三曰白義四曰踰輪五曰山子六曰渠黃七曰華
騶八曰綠耳史道碩畫本名同又有名騶者見揚
雄河東賦王子年拾遺記則一曰絕地二曰翻羽三
曰奔霄四曰超影五曰踰輝六曰超光七曰躡景

曰挾翼疑未見穆王本傳故也韓非子曰延陵卓子
乘蒼龍桃文之乘左傳唐成公有驪驪又圖有舍陽
紅驪黃鵠晨風綠蛇紫燕古今注曰秦始皇有七馬
一曰追風二曰白兔三曰躡景四曰追電五曰飛翾
六曰銅雀七曰晨鳧八曰神鳧史記曰項王有烏騶
西京雜記曰漢文帝自代還有九馬一浮雲二赤電
三絕羣四逸驪五紫燕驪六綠螭驄七龍子八麟駒
九絕塵號爲九逸後得千里馬却之漢書曰武帝有
天馬西極馬天馬汗血洞冥記曰東方朔遊吉雲之




地越扶桑之東得神馬曰步景馮奉世傳曰宣帝有大宛象龍世說曰昭烈有的盧魏書魏武有絕影後漢書呂布有赤兔寰宇記張飛有玉追曹真有驚帆拾遺記曹洪有白鶴穆天子傳注魏文有鮮卑黃耳又遺孫權織驪陳王獻魏文大宛紫駢崔洪十六國春秋呂光有天驥載記慕容廆有赭白通鑑姚襄有鷲眉騮水經注赫連世有白口騮南齊書齊高祖有龍驤赤宋書袁顥有飛燕晉載記冉閔有朱龍劉琬有騏雄伽藍記後魏河間王元琛有追風赤驥獨異

志後魏曹彰以妾換白鶻魏書昭成有馬曰騮騮小說梁武帝有照殿玉獅子又有河南國赤龍駒又有紫騮舊唐書吐谷渾有青海驄朝野僉載隋文帝有大宛師子驄唐太宗得之民間金石錄太宗有六馬拳毛騮平劉黑闥什伐赤平王世充白蹄烏平薛仁果特勒驃平宋金剛颯露紫平東都青驪平竇建德又樂志太宗破竇建德乘黃驄驃回紇傳太宗又得骨利翰國十馬一曰騰霜白二曰皎雪驄三曰凝露驄四曰懸光驄五曰決波踰六曰飛霞驃七曰發電



赤八曰流金駟九曰翔麟紫十曰奔虹赤開元記唐
明皇有照夜白有玉花驄秦再思紀異錄天寶中大
宛進馬有紅紫青黃丁香桃花六叱撥上自製名曰
紅玉輦紫玉輦平山輦凌雲輦飛香輦百花輦又宋
王明圖叱撥有人異前者曰紅耳曰死夾曰榴曰榆
曰紫驄其二同續博物志肅宗有千里馬杜陽編代
宗有九花虬德宗有神智驄如意驄又國史補代宗
有望雲騅酉陽雜俎秦叔寶有忽雷駃杜詩注郭子
儀有獅子花卽九花虬也畫鑿曹霸八馬圖有玉面

騅又有連錢驄燕友白九馬圖有拳毛師子杜詩荆
南節度使衛伯玉有玉腕騅廣陵妖亂志高駢有馬
曰大鳥五代史朱溫賜寇彥卿一丈鳥劉旻有契丹
黃驄號自將軍魏王繼岌選蜀馬二十曰麝香驄錦
耳驄駱十二趁日驄徧界玉陷水驄長命驄孫兒驄
籠菘白八百哥掠地雲錦地雪面娘月影三玉尾驄
撒沙驄天花駱旋風白宰地嬌六尺金啣蟬奴玉壺
清話宋太宗有碧雲驥邵氏聞見錄仁宗有玉逍遙
烟雲過眼錄李伯時貌天廐滿川花又有干闥所貢



錦膊驄墨庄漫錄神宗亦有玉逍遙孔子談苑神宗
有馬曰小烏齊東野語畢再遇兗州將也有黑大蟲
常居安梅澗詩話姚興有青師子宋史曲端有鐵象
名臣言行錄西夏酋名青面夜叉有赤駝起世經轉
輪王紺馬名婆羅訶瑞應經佛生之日王家馬產駒
曰捷陟

世惟知唐玄宗之有舞馬其事見明皇雜錄而不知
前已有之非常馬也山海經述海外大樂之野夏后
啓於此舞九代馬宋大明五年河南國進赤龍駒能

拜伏善舞唐中宗景龍間弘文館記有舞馬殿中奏
蹀馬之戲宛轉中律遇作飲酒樂者以口銜盃臥而
復起又異物志云大宛馬有解人語知音律者


今自御前以至諸王鹵簿皆有誕馬誕字義不可考
程大昌以爲袒馬義取有馬無鞍如人裸袒之袒也
引宣和鹵簿圖誕馬用色帛周果一方氊蓋覆馬脊
不旋鞍爲證理或近之然有氊帛爲飾亦非袒矣今
却有鞍轡如常而氊覆之

周書王會所載國名物產曰青馬黑氊謂之母兒曰



稷慎以大麀曰穢人以前兒若獼猴立行聲似小兒
曰良夷以在人首脂其腹炙之霍霍鳴曰揚州以
禺禺魚名解脮冠曰發人以鹿如鹿迅走曰兪人以
雖馬曰青丘以九尾狐曰周頭以輝珣輝珣羊也曰
黑齒以白鹿白馬曰白民以乘黃似騏背有兩角曰
東越以海蛤曰歐人以蟬蛇曰於越納謂納貢曰姑
妹珍謂珍物曰且甌以文蜃曰共人以玄貝曰海陽
以大蟹曰自深以桂曰會稽以鞮鞮可冒鼓也曰義
渠以茲白若白馬鋸牙食虎豹曰史林以酋耳身若

虎豹尾長三尺食虎豹北唐戎以閭閻卽踰似驢也
曰渠叟以鼬犬飛食虎豹曰樓煩以星施卜盧以統
牛牛之小者曰區陽以鼈封若鼈前後有首曰規矩
以麟曰西申以鳳鳥曰氏羗以鸞鳥曰巴人以比翼
鳥曰方煬以皇鳥曰蜀人以文翰曰卜人以丹砂曰
方人以孔鳥曰夷用闌木曰康人以桴苴實如李食
之宜子曰州靡以費費曰都郭以徃徃曰奇榦以善
芳頭若雄雉佩之不昧曰高夷以噪羊羊四角曰獨
鹿以叩叩距虛曰孤竹以距虛曰不令支以玄模曰



不屠何以青熊曰東胡以黃羆曰山戎以戎菽曰般
吾以白虎曰屠州以黑豹曰禺氏以騶駼曰大夏以
茲白牛曰犬戎以吉黃之乘曰數楚以每牛牛之小
者曰匈奴以狡犬曰權扶以玉目玉之有光明者曰
白州以比閭曰禽人以管曰路人以大竹曰長沙以
鯨曰魚復以鐘牛曰蠻揚以翟倉吾以翡翠又禹時
四海貢異物東海魚須魚目南海魚革珠璣大貝西
海魚骨魚榦魚膾北海魚劔魚石出瑱擊閭河魴江
鱣大龜五湖元唐鉅野菱鉅定羸濟中瞻諸孟諸靈


龜隆谷玄玉大都鯉魚魚刀又伊尹爲湯定物貢正
東符婁仇州伊慮漚深九夷十蠻越漚鬻髮文身貢
魚支之鞞烏鯛之醬鮫肢利劍正南甌鄧桂國損子
產里百濮九菌貢珠璣瑋瑋象齒文犀翠羽菌鶴矩
狗正西崑崙狗國鬼親根已闌耳貫胸雕題離丘漆
齒貢丹青白旄紕罽江歷龍角神龜正北空同大夏
莎車姑他旦略豹胡戎翟匈奴樓煩月氏織梨其龍
東胡貢索馳白玉野馬駒駘駃騠良弓
季桓子穿井而獲土缶中有羊焉使人問仲尼曰穿



井而獲狗何也孔子對曰以丘之所聞羊也土之怪曰墳羊然則夫子以爲土無狗也按尸子曰地中有犬名地狼夏鼎志曰掘地得犬曰賈晉太興元四等年及隆安初皆於地中得犬使夫子而當其時不誤對哉夫子又云木石之怪曰夔蝮蝮水之怪曰龍罔象而吳先主樟樹中斫之有物面似人而狗身陸敬叔曰按白澤圖云木之精曰彭侯狀如黑狗無尾可烹食之當是時夫子又當誤對也

常獸之異者周成王時東夷進六角牛又進六角羊


周厲王元年外國貢三角羊見述異記元封中大秦獻花蹄牛繞角生四耳見洞冥記岷山多夔牛重千斤見山海經臨洮有竹牛重數千斤見玉堂閑話波羅國有牛十日一割不割便困見什法盛歷國傳大月支越雋國牛亦然見玄中記博物志九真糖牛角長二丈見寰宇記扶桑國有牛角載物至二十斛見南史拂菻國有羊生土中見舊唐書月氏有羊尾重千斤割食壽生見宋膺異物志木蘭皮國羊尾大如扇春則剖腹取膏縫之復活見周致中異域志罽



賓國出青羊如翠色見酉陽雜俎蜀復山郡有五角
羊成王時渠搜國獻鼬犬鼬犬者露犬也能飛食虎
豹見汲冢周書天子之狗走百里執虎豹見穆天子
傳杜光庭犬名吠靈可行萬里見南部新書武德中
高昌王獻拂菻國狗高六寸長尺餘性甚慧能曳馬
銜燭見舊唐通典波斯國多駁犬或赤日行七百里
見舊唐書罽賓國狗大如驢赤色數里搖鞮以呼之
見郭義恭廣志唐人唐昉拔宅升天雞犬皆去惟鼠
墜下不死而腸出數寸三年易之見錄異記齊永明

中會稽鍾山有人姓蔡不知名山中養鼠數十頭呼
來卽來遣去便去謂之謫仙見南齊高逸杜京產傳
紅飛鼠出交趾及廣管瀧州捕其一則其一不去婦
人帶之以爲媚藥見嶺表錄異罽賓國武德中獻褥
特鼠喙大尾赤能食蛇被蛇螫者鼠舐而尿之卽愈
見舊唐書

蘇鴉云虫者海獸也漢武帝作柏梁殿有上疏者云
虫尾水之災能却火殃可置之堂殿今人多作鴟字
顏之推爾雅亦作此鴟字按虫尾水獸銅頭鐵額牛




角牛耳乃獸之形作鴟字非意義也

歐陽文忠詩義引賈誼新書騶虞非獸以證毛鄭之失然觀司馬相如封禪書囿騶虞之珍禽又曰般般之獸樂我君囿黑質白章其儀可喜師古注騶虞也則是騶虞之獸果見於武帝時矣山海經亦載此獸名太公六韜淮南子皆曰王文拘於羑里散宜生得騶虞獻紂張平子東京賦曰囿林氏之騶虞何平叔景福殿賦曰騶虞承獸素質仁形晉安帝時新野有騶虞見又五代史蜀書有騶虞不可謂無是獸也山海

經六豷在毛鄭前相如淮南與毛公同時在鄭前其言亦爾安得不信乎 國朝永樂二年周王畋於鈞州而獲騶虞梁公濟有詩今載於文衡宣德四年滌州來安石固山有二騶虞守臣獻於 朝羣臣皆賦咏之觀夏公元吉賦序有曰猊目虎身白質黑章修尾隅目不食生不踐生與埤雅所云白虎黑文尾三倍身相同

酉陽雜俎云象膽春在前左膊夏在前右膊秋則後之左膊而冬則後之右膊如龜無定體也肉有十二




般惟鼻是其本肉按埤雅象具十二生肖肉膽隨月轉在諸肉如正月屬寅在虎肉也

相如賦其上則有宛雛孔鸞騰遠射干服虔曰騰遠獸名張揖曰射干似狐能緣木夫騰遠既作獸則不應在上或禽名未可知也莊子騰猿得枳棘南都賦鸞鸞鷓鴣雛翔其上騰猿飛獼棲其下蜀都賦援狄騰希而兢捷豈騰遠卽騰猿遠字相近而誤耶

獸有天祿辟邪天祿一作天鹿一作天麋考工記鳧氏注旋今時旋有蹲熊盤龍辟邪按鄧州南陽縣北

有宗資墓墓立二獸其高八尺角而鱗分鬣曳尾過壯大左曰天祿右曰辟邪皆刻膊上漢書西域傳烏弋有桃拔注桃拔一名符拔似鹿長尾一角爲天祿兩角爲辟邪無前角者爲浮都傳曰辟邪應瑞之獸也五色光輝長尾善知星變又按古玉器有玉辟邪云是高辛墓中物其首止一角或爲天祿耶漢天祿閣蓋取此名宋時交趾獻獸麟首一角而肉鱗當時不能識後沈括察其形謂是天祿然當時獻無鱗甲五色但皮肉隱鱗不說長尾未得便爲天祿也



月令仲夏日鹿角解仲冬日麋角解鹿以夏至隕角而應陰麋以冬至隕角而應陽鹿肉暖以陽爲體麋肉寒以陰爲體以陽爲體者以陰爲末以陰爲體者以陽爲末末者角也故麋茸補陽利於男子鹿茸補陰利於婦人見王楙所著甚明今人不惟一槩作男子補精益血之劑於麋鹿亦不能辨矣

公藥店醫人但知牛黃羊哀狗寶三種之藥羊哀謂治翻胃而牛黃狗寶治驚癇也然牛黃嘗用易識羊哀形如濕茅紙時亦用之狗寶乃生於狗胞中其形

質如鶩卵石而色至白碎之內有文理數十層主治噎食及癰疽瘡瘍又見越薰集中云馬有馬黑在腎此尤不特罕見亦罕聞者又有雞棲皆不知何所用也

山海經敦隅之山有視肉注聚肉形如牛肝有兩目食之無盡尋復生如故陶弘景刀劍錄漢章帝鑄一金劍投於伊水中以厭人膝之怪人膝似人膝脛以下至脚有首鼻口耳手足常損害人按水經云伊水有一物如人膝頭有爪入浴輒沒不得出宋江鄰幾




雜志云徐稹廷評監稅廬州河次得一小兒手無指
無血懼而埋之案白澤圖所謂封食之多力者也視
肉蓋此類又西湖志董表儀徹屋掘土得一肉塊術
士云太歲也又本草綱目海中有一種土肉正黑長
五寸大如小兒臂有腹無口目有三十足可炙食此
又屬魚之類類乎封者也

百獸率舞釋者謂羽鱗皆可謂之獸予謂凡獸亦可
謂之禽後漢書華佗傳佗語吳譜曰吾有一術名五
禽之戲一曰虎二曰鹿三曰熊四曰猿五曰鳥此虎
鹿熊猿猨謂之禽亦百獸之例也

鼠之名甚多如鼯鼠見莊子鼯鼠見詩鼯鼠見燕山
錄鼯鼯鼠見唐書貂鼠見說文禮鼠見韓文鼯鼠見
春秋食蛇鼠見唐書鼯鼠見漢書鼯鼠見說文鼯鼯
鼠見唐韻鼯鼯鼯鼯鼯鼯鼯鼯鼯鼯鼯鼯鼯鼯鼯鼯鼯
神異經火鼠鼯鼠鼯鼠水鼠鼯鼯鼠鼯鼯鼯鼯鼯鼯鼯
鼯鼠鼯鼯鼠鼯鼠鼯鼠鼯鼠鼯鼠鼯鼠鼯鼠鼯鼠鼯鼠
鼠鼯鼠鼯鼠見張揖廣雅

五鳳皆五色爲瑞者一爲孽者四其四皆似鳳並爲



妖一曰鸛鵒鳩喙圓目身義戴信嬰禮膺仁負智至
則疫之感也二曰發明烏喙大頸翼身仁戴智嬰義
膺信負禮至則喪之感也三曰焦明長喙疏翼圓尾
身義戴信嬰仁膺智負禮至則水之感也四曰幽昌
兌目小頭大身細足脰若鱗葉身智戴信負禮膺仁
至則旱之感也國語曰周之興也鸞鸞鳴岐說文曰
五方神鳥東曰發明南曰焦明西曰鸛鵒北曰幽昌
中曰鳳凰見樂叶圖徵青鳳謂之鸛赤鳳謂之鶉黃
鳳謂之鸞曰鳳謂之鸛紫鳳謂之鸞見禽經凡五方

之鳥皆似鳳而非也東方發明全身總青西方鸛鵒
全身總白南方焦明全身總赤北方幽昌亦曰退居
全身總黑中央玉雀亦曰鳳皇全身總黃見人鏡經
鳳有六像一曰頭像天二曰目像日三曰背像月四
曰翼像風五曰足像地六曰尾像緯有九苞一曰口
包命二曰心合度三曰耳聽達四曰舌詘伸五曰彩
色光六曰冠矩州七曰距銳鈎八曰音激揚九曰腹
戶行見論語摘輔象有五德鳳頭青故曰戴仁鳳纓
白故曰纓義鳳背赤故曰負禮鳳胸黑故曰向智鳳



足下黃故曰蹈信見抱朴子孔雀有九德一顏貌端正二音聲清徹三行步庠序四知時而行五飲食知節六常念知足七不分散八少嬌九知反覆見增上經田饒謂魯哀公曰夫鷄頭戴冠者文也足搏距者武也敵在前敢鬪者勇也見食相呼者仁也守夜不失時者信也見韓詩外傳

少陵七歌云嗚呼四歌兮歌四奏竹林爲我啼清晝後注詩者更作林猿崇寧間有人自同州得一禽大如雀色正青善鳴問其名曰竹林鳥也

耶律德光入洛陽聞杜鵑以問李崧曰此何聲也崧以杜鵑對然則五代之時洛中已有杜鵑矣邵康節散步天津橋聞杜鵑聲謂客曰洛陽舊無杜鵑今始至去後二十年必有南人作相務變更以亂天下者邵子所謂始至豈其一時創見而不知有前事耶

禹貢導渭自鳥鼠同穴孔傳謂鳥鼠共爲雌雄同穴而處蔡氏以爲怪誕不足信而謂同穴自爲山名鳥鼠爲同穴之枝山按爾雅鳥鼠同穴其鳥爲鼯其鼠爲鼯郭璞注鼯如人家鼠而短尾鼯似鷄而小黃黑




色穴入地三四尺鼠在內鳥在外在隴西首陽縣鳥鼠同穴山中今鳥鼠同穴山在涇源縣二十里俗呼爲青雀山實有鳥與鼠同處於穴又甘肅永昌衛山中亦有此異鳥則灰白色夷名本周兒鼠則如郭璞所云夷名苦木兀兒不獨涇源爲然蔡氏南人又值宋南渡後鳥鼠隔在北朝宜其不信然爾雅所載豈得不聞又涇州有糖牛與蛇同穴嗜鹽裹鹽入穴取之其角如玉可以爲器物生之異固不可臆決也

唐盧延遜詩樹上謠詠批頰鳥牕間壁剝叩頭蟲王

半山詩翳林窺搏黍藉草聽批頰元人送春詩批頰穿林叫新綠韓致光春恨詩云殘夢依依酒力餘城頭批頰伴啼鳥平明乍捲西樓幙院靜初聞放轆轤批頰蓋鳥名但不詳爲何形狀耳或曰卽鴨鳩也


北戶錄言衡州南靈鷲鳩解嶺南野葛諸菌毒及辟溫瘴又一名鳩名對啼廣志言鷓鴣形似雌鷄其志懷南不北徂也鳴云但南不北古今注云其鳴自呼南越志云其鳴自呼曰杜薄州食之亡厲惟本草說鳴云鉤輅格磔一云聲若行不得哥哥



鳥之異名甚夥不暇徵其形唯志其名則如鷓鴣善
芳見汲冢書馱鷓鴣見唐韻王母使者皆明細鳥松
節紫蒿見雜俎乾餘骨見南華經鴉見極塗錄珊瑚
見蟬史佛現見峩峩縣志青鳥見列仙傳輪狂鳥鷓
鷓鴣鴉鷓鴣鷓鴣見爾雅傳信羅平萬春服留倒挂
玄鈎見蟬史渠逸卽九頭鳥也見夷堅志金吾見前
漢百官表歸飛見俞益期牋木客見廣陵異物志鷓
鳥見南康記共命鳥生雪山見雜寶藏經駝鳥見後
漢書骨托河州之禽也見墨客揮犀鷓鴣見臨海異

物志越王鳥名糞以爲香見法眞登羅山疏

淮南子有鳥鵲填河成橋渡織女之說故庾肩吾七
夕詩云倩語雕陵鵲填河未可飛宋之問云鳥鵲橋
邊一鴈飛王建云龍駕車轅鵲填石商隱云星橋橫
道鵲飛廻晏叔原云鵲慵鳥慢得橋遲張文潛云靈
官召集役靈鵲橫渡天河雲作橋爾雅翼云涉秋七
日鳥鵲首無故皆髡相傳以爲是日河鼓與織女會
於漢東役鳥鵲爲梁以渡故毛皆脫去今七月七日
絕不見鳥鵲翼日驗之鮮不髡者羅願謂秋乃鳥獸



毛毳之時又山海經羣鳥有解羽之所然必於一日
理所不能推也

史記中能馴鳥獸知其話言者伯翳見路史解牛語
者介葛盧見左傳秦仲知百鳥之音與之語皆應見
史記解鳥語者公冶長見衝波傳管輅見博物志成
子見朱賢畫贊楊宣河內太守見耆舊傳侯瑾字子
瑜見燉煌實錄又廣漢陽翁偉解馬語見論衡李南
亦解馬語見抱朴子詹何得牛鳴知牛黑而白在角
見韓非子廷尉沈僧照聽南山彪嘯云國有邊事當

選人丁見梁典咸通初渤海僧隆多羅見牝豕引諸
豚而行咯咯有聲知其言向前樹陰中吃妳前果有
大槐樹見闕史白龜年得李太白書一卷能辨禽言
獸語知二雀言城西民家餘粟在地廐馬仰首而嘶
爲糟熟不可食羊鞭之不動言腹有羔見翰府名談
龍門點額之說人所常談今按往記河津一名龍門
巨靈跡猶存水懸下注旁有山水陸不通龜魚之屬
莫能上江海大魚集門下數千不得上上者爲龍不
上者魚故云曝鰓龍門垂耳轅下見三秦記龍門之




下每歲季春有黃鯉二魚自海見諸川爭來赴之一
歲中登龍門者不過七十一初登龍門卽有風雨隨
之天人自後燒其尾乃化爲龍矣見林登博物志鱣
鱣出鞏穴三月則上渡龍門得渡爲龍矣否則點額
而還見水經注交趾縣封谿縣有隄防龍門水深百
尋大魚登此門化成龍不得過曝鰓點額血流此水
常如丹池有泰潛江出漚山分九九流三百里共
會一口見交州記舊說春水時至魚登龍門則有化
者至今汾晉山穴龍蛻骨角甚衆採以爲藥有五色

者見國史補蜀五城縣其上值天門天門龍升天不
達死墜此地故掘取龍骨冬夏無已見華陽國志又
有鱗曰蛟龍有翼曰應龍有角曰龍音龍無角曰蛇

音鱗龍見張揖廣雅龍未昇天曰蟠龍見方言驪龍見

莊子昆侖下泥丸處名地仙丸館有癡龍如羊見幽
明錄垂龍入宣律師指中見高僧傳又憑君身入華
陽洞割取垂龍左耳來見韓文公集內典云人火得
水而滅龍火得水而熾陸佃埤雅曰龍不見石人不
見風魚不見水鬼不見地又酈道元水經注曰魚龍



言明
卷之三十一
一六
以秋日爲夜蓋龍秋分而降則蟄寢於淵也


龍涎所出及形狀臭味負暄雜錄葉廷圭香譜曹昭格古論異域志居家必用瀛涯勝覽皆載其說然並不若張世南游宦記聞爲詳因備錄如左諸香中龍涎最貴廣州市直每兩不下百千次等亦五六十千係蕃中禁權之物出大食國近海傍常有雲氣罩山間卽知有龍睡其下或半載或二三載土人更相守視俟雲散則知龍已去往觀必得龍涎或五七兩或十餘兩視所守人多寡均給之或不平更相讎殺或

云龍多蟠於洋中大石臥而吐涎魚聚而嗜之土人見則沒而取焉又一說大洋海中有渦旋處龍在下湧出其涎爲太陽所燥則成片爲風漂至岸人則取之納官予嘗叩泉廣合香人云龍涎入香能收斂腦麝氣雖經數十年香味仍在嶺外雜記所載龍涎出大食西海多龍枕石一睡涎沫浮水積而能堅鮫人采之以爲至寶新者色白稍久則紫甚久則黑又一說云白者如百藥煎而賦理黑者亞之如五靈脂而光澤其氣近於臊似浮石而輕或云異香或云氣腥



中皆貢龍涎也

龍生九子不成龍各有所好囚牛好音樂以飾胡琴
睚眦好殺以飾刀柄嘲風好險在殿角蒲牢好鳴取
爲鐘紐狻猊好座取爲佛座霸下好負重爲碑座狴
犴好訟爲獄門負鼠好文在碑兩傍蚩吻好吞在殿
脊弘治間泰陵令中官問龍生九子名目於李少師
東陽李不能悉詢於吏部劉員外績乃得其說於故
冊面上所錄然亦不知所從出因據以復余憶十一
二時曾見其說於對類總龜中近因歷考傳記乃知




其說爲不經睚眦戰國策聶政曰賢者以感忿睚眦之意注睚舉眼也眦目匡也史記范雎傳睚眦之怨必報漢書杜欽傳睚眦必報張衡西京賦睚眦蠶介蒲牢班固東都賦注海中有大魚曰鯨海邊又有獸名蒲牢素畏鯨鯨魚擊蒲牢輒大鳴凡鍾欲令聲大故作蒲牢於上所以撞之者爲鯨魚狀後倪穆天子傳後倪日走五百里爾雅後倪如競貓食虎豹郭璞注卽師子也出西域漢順帝時疏勒王來獻鬻牛及師子漢書西域傳烏弋國出師子孟康曰似虎正黃

有顛形尾端大如斗續漢書條支國出師子章帝章和元年安息國遣使獻師子十洲記聚窟洲在西海中北接崑崙有師子博物志魏武經白狼山逢師子見一物如狸跳上頭師子伏不敢起遂殺之韻會犬生二子曰獅狴犴字林云狴犴胡地野狗似狐黑喙周官士射狴犴胡犬其守在夷士以能勝四夷之守爲善詩宜狴犴獄今文作岸楊子狴犴使人多禮上林賦蝮蝮狴犴埤雅善守韻會獄曰狴犴或作犴犬所以守故謂獄爲犴負鬚肩一作夔一作鬚鬚一作肩



韻會狀大貌又鼈也一曰雌鼈爲肩廣韻壯士作力
貌西京賦巨靈鼈肩吳都賦巨鼈鼈肩虫吻當作鴟
尾言虫尾虫吻並誤王子年拾遺錄沈羽淵化爲玄
魚後人修玄魚祠以祀之嘗見其浮躍出水長百尺
噴水激浪必降大雨漢世越巫請以鴟魚尾厭火災
今之鴟尾是也唐會要漢武柏梁殿災越巫獻術言
海中有魚名虬其尾似鴟激浪則降雨遂作其形置
於殿脊以厭火災南史蕭摩訶詔其廳事寢堂並置
鴟尾已上都不見有龍子之說因牛嘲風霸下俟考


右胡侍所記又按陸文量菽園雜記博物志逸篇云
鬮鬮其形似龜性好負重故用載石碑螭物其形似
獸性好望故立屋角上蒲牢其形似龍而小性好吼
叫有神力故懸於鐘之上憲章其形似獸有威性似
囚故立於獄門上饕餮性好水故立橋所螭蜴形似
鬼頭性好猩故用於刀柄上蠶蛉其形似龍性好風
雨故用於殿脊上螭虎其形似龍性好文彩故立於
碑文上金猊其形似獅性好火煙故立香爐蓋上椒
圖其形似螺螄性好閉口故立於門上今呼鼓了非



也蚘蚘其形似龍而小性好立險故立於護朽上鰲魚其形似龍性好吞火故立於屋脊上獸吻其形似獅子性好食陰邪故立門環上金吾其形似美人首魚尾有兩翼其性通靈不睡故用巡警此與前微異且多五獸而形體較詳然不知其何所本也

左傳筮短龜長杜預注曰筮數龜象象長數短此譬說也孔穎達云神以知來智以藏往是以極妙雖龜之長無以加此以至理而言卜筮實無長短蓋亦知杜之謬而不敢規之今按獻公卜驪姬卜吉而筮凶

卜人曰筮之辭所言理短龜之辭所言理長故下文遂引龜辭蓋卽立驪姬一事而非謂筮龜有長短也周禮龜人六龜之屬曰天龜靈屬地龜繹屬東龜果屬南龜獵屬西龜靈屬北龜若屬史記龜策傳凡八名龜曰北斗曰南辰曰五星曰八風曰二十八宿曰日月曰九州曰王龜唐六典太卜卜龜九類曰石龜泉龜蔡龜江龜洛龜海龜河龜淮龜早龜爾雅易十朋之龜曰神龜靈龜攝龜寶龜文龜筮龜山龜澤龜水龜火龜



于頔在海南日夜方三更忽曉如日初出移時復暗
徧嶺南皆然後有海客言某日夜海中見一大金鰲
浮出目光照耀天地如白晝徐復沒驗其日正同乃
知古所謂日夜出者亦鰲光之所爲也
古人稱魚之美者吳王闔閭征夷入海據洲而守東
風大震水上見金色逼海而來繞沙洲百匝所司撈
水得魚食之美夷人不獲一魚遂降吳王因以魚腹
腸肚以醎水淹之送與夷人因號鱠鮓吳王歸思海
中所食魚所司云薨之矣吳王索之味美因書美下

著魚是爲鰲字今从鰲非也見吳地記子思居衛衛
人釣於河得鰲魚爲其大盈車子思曰鰲魚魚之難
得者也見孔叢子左慈在曹操坐曰恨少松江鱸魚
耳慈因求銅盤貯水以竹竿鉤於盤中須臾引一
鱸魚出見後漢書介象與吳王共論鱸魚爲上乃於
殿庭作坎汲水滿之并求釣象起餌之須臾得魚淳
化閣帖作鱸魚見神仙傳虞嘯父爲侍中帝從容問
曰卿初不聞有所獻替嘯父家近海謂帝有所求對
曰時尚溫鰲魚蝦鮓未可致帝大笑見晉書褚彥回



元徽中授中書監侍中時淮北屬魏江南無鰓魚間
有至者一枚直數千錢有獻彥回三十枚見南齊書
峴山下漢水中出鰓魚肥美常禁人采捕以槎斷木
謂之槎頭縮項鰓宋張敬兒爲刺史獻齊高帝一千
六百頭見襄陽耆舊傳桃花流水鰓魚肥見一品集
又巨口細鱗狀似松江之鱸見東坡集嘉魚出於丙
穴見蜀都賦魚知丙穴由來美見杜工部集洛鯉伊
魴貴於牛羊見洛陽伽藍記

淮南子曰瓠巴鼓瑟而淫魚出聽說者曰淫魚頭

身相半其長丈餘鼻正白身正黑口在額下伏侶鬪
有鬣而無鱗出於江中其性喜音聞樂作則出頭水
上聽之是聽瑟獨淫魚爲然今談者胥謂瓠巴鼓瑟
而游魚出乃若繫指凡魚於其出處不無小誤也
楊廷秀因舉河魴所原起古書未見載錄者以問尤
延之曰左太冲吳賦叙玉鮪鰈鮠滯林注鰈鮠魚
狀如科斗大者長尺餘腹下白背上青黑有班文性
有毒雖小鰈大魚不敢啖之蒸煮食之肥美以是考
之河魴本原莫明白於此廷秀驗視之言無殊因嘆



延之眞書府也此出葉寘筆衡所載宛委餘編按本草鯪魚有毒不可食之其肝毒殺人中此毒卽剉蘆根煮汁解之此卽河豚也陳藏器又云味甘溫無毒補虛去濕氣理腰脚去痔疾殺蟲與本草所載微異不知卽一種耶抑二種也

內則云狼去腸狸去正脊兔去尾狐去首豚去腦魚去乙鯪去醜鄭氏注云皆爲不利人也乙魚體中害人者東海鯪魚有骨名乙在日旁狀如篆乙食之鯪人不可出爾雅云魚枕謂之丁魚腸謂之乙魚尾謂

之丙鄭玄謂乙爲魚骨爾雅則以爲魚腸皆以其如篆書字之狀也若以狼去腸推之則魚之乙非腸乃魚骨也

汲冢周書云海陽巨蟹其殼專車山海經云姑射國大蟹在海中郭璞注蓋千里之蟹也又云女丑有大蟹郭璞注廣千里也周禮庖人共祭祀之好羞鄭康成注好羞謂四時膳食若荊州之鱧魚揚州之鱉胥陸德明音釋云蟹醬也淮南子云漆見蟹而不乾玄中記云天下之大物有北海蟹焉舉一螯加於山身



故在水中又云山精如人一足長三四尺食山蟹洞
冥記云善苑國嘗貢一蟹長九尺有百足四螯因名
百足蟹煮其殼謂之螯膠勝於鳳喙之膠酉陽雜俎
云平原郡貢糖蟹採於河間界每年生貢斷水火照
懸老犬肉蟹覺老犬肉即浮因取之一枚直百金以
檀密束於驛馬馳至京又云蝻蟬大者長尺餘兩螯
至強八月能與虎鬪虎不如隨大潮退殼一退一長
又云蟹腹下有毛殺入又引伊尹書有蟹螯晉書太
康四年會稽彭蜺及蟹皆化鼠甚衆復大食稻爲災


廣雅云蟹雄曰蝦蟇雌曰博帶北戶錄云儋州出紅
蟹大小殼上作十二點深臙脂色其殼與虎蟹堪作
疊子廣志云鋪小蟹大如貨錢又蟹奴如榆莢在其
腹中生死不相離遼志云渤海海螯蟹紅色大如椀螯
大而厚其跪如中國蟹螯清異錄云煬帝幸江都吳
中貢糟蟹糖蟹每進御則旋潔拭殼面以鏤金龍鳳
花貼上又姑蘇志云出大湖而色黃殼軟曰湖蟹冬
月益肥美謂之十月雄出吳江汾湖者曰紫鬚蟹出
崑山蔚洲者曰蔚遲蟹又有江蟹黃蟹又稻秋蟹食



既足腹芒朝江爲樂蟹又呂亢守台州命工作蟹圖
凡十二種一曰蝓蚌二曰撥棹三曰擁劍四曰彭蠡
五曰竭朴六曰沙狗七曰望潮八曰倚望九曰石蠅
十曰蝦江十一曰蘆虎十二曰彭蟻皆怪山蟹譜所
遺

蝓有四足者見本草有冠者見抱朴子有飛者見荀
卿子有獸首者見大荒經有人面者見江湖紀聞有
一身兩首者見管子有岐尾者見廣志有鈎尾者尾
長取人見郡國志有高尾者有拖形者有杵形者見
本草有五色者見水經有如孔雀珠色金翠奪目者
有紅色如血者見北戶錄

蛇兩頭者嶺外多有如小指大者長尺餘腹下鱗紅
背錦文一頭有口眼一頭無口眼云兩頭俱進退謬
也昔孫叔敖云見之不祥殺而埋之恐他人見復受
其禍南人見之如常其禍安在見嶺表錄異兩頭蛇
一名越王約髮俗占見之不祥見異苑兩頭蛇無毒
夷人餌之見南越志紀僧真遭母喪開冢得五色兩
頭蛇見南史



顏含瘦病須蚺蛇膽不能得含憂歎累日有一童子持青囊授含視之乃蛇膽也童子化爲青鳥飛去見中興書交阯山多大蛇名曰蚺蛇長十丈圍七八尺常在樹上伺鹿獸過便低頭繞之有頃鹿死先濡鹿令濕便吞頭角骨皆鑽皮出山夷始見蛇不動時便以大竹籤籤蛇頭至尾殺而食之以爲珍異見水經蚺惟大蛇旣洪且長采色駁犖其文錦章食灰吞鹿腴戒養創實享嘉宴是豆是觴見楊氏南裔異物志泉建州進蚺蛇膽五月五日取膽時兩柱相去五六

尺繫蛇頭尾以杖於腹下來去扣之膽卽聚以刀刮取藥封放之不死復更取看肋下有痕卽放見僉載蚺蛇膽上旬近頭中旬在心下旬近尾見酉陽雜俎膽大若鴨子切取之復納肝腹中以線縫合創口蛇亦復活昇歸放於川澤其膽暴乾以充土貢或云蛇被取膽它日見捕者則遠遠側身露腹創明已無膽以此自脫見嶺表錄異蚺蛇牙長六七寸土人尤重之云辟不祥利遠行賣一枚直牛數頭見括地志蚺蛇肉食之辟蠱毒見證俗音其膏俗傳不利人其皮



可輓鼓見北戶錄其脂著人骨輒軟又能萎陽終身
不舉見埤雅

荀子蠶賦曰此夫身女好而頭馬首者歟今蠶頭實
似馬而卿乃云爾則蠶爲馬類古有其傳矣周禮禁
原蠶爲妨馬也今術家未僵蠶塗傳馬輒不能嚙草
則蠶馬同類信矣

杖名扶老鳥亦名杖老蟲名寄生軍裝亦名寄生蠶
名晨風馬亦名晨風木名長卿虻虻亦字長卿琵琶
有大小忽雷馬有忽雷駁鱷魚亦名忽雷

卷二十終



